

# 東方雜誌

第十八卷

第二十一至二十四號

(1921年11月—1921年12月)

上海書店出版社

# 東方雜誌

第十八卷

第二十一至二十四號

( 1921年11月—1921年12月 )

上海書店出版社



# 東方雜誌

第十八卷 第二十一號  
民國十年十一月十日發行

## 插圖

□英國名畫(二幅)

□德國之非戰運動

□巴黎協約國高等會議

## 評論

□民族之衰頹

□休戰三週紀念之感想

□房租問題與住宅協社

信託公司概論(完)

職業的勞工聯合論(上)

英日同盟之解剖

自然與人生

英國近代的繪畫

法蘭西戰時之戲曲及今後之趨勢

世界新潮(附圖十二)

□第三次國際共產黨大會之經過及各國勞動運動之現在地位

□葡萄牙革命之經過及新政府之成立

□保加利亞之政治及社會的改革

健 孟 (一一—三)

羅 羅 (三—四)

堅 瓠 (四—六)

楊端六 (七—一七)

望 道 (一八—二三)

頌 皋 (二四—三六)

周建人 (三六—四四)

俞寄凡 (四三—五五)

宋春舫 (五五—六六)

W (六一—六六)

W (六六—六七)

W (六七—七〇)



|                    |   |         |
|--------------------|---|---------|
| □美國對於委任統治之新抗議..... | T | (70—71) |
| □奧匈二國之國境爭執.....    | T | (71—72) |

新思想與新文藝(附圖四)

|                 |    |         |
|-----------------|----|---------|
| □社會學的研究法.....   | 君左 | (73—74) |
| □蘇維埃俄國下的藝術..... | 松山 | (74—76) |

科學雜俎(附圖三)

|                    |  |         |
|--------------------|--|---------|
| □生物之突變說.....       |  | (81—82) |
| □電氣能使動物之生產力增加..... |  |         |
| □新式之救生圈.....       |  |         |
| □蝴蝶治病之研究.....      |  |         |
| □種族自殺說之辯正.....     |  |         |
| □血汗.....           |  |         |

海外通訊

|                                    |     |           |
|------------------------------------|-----|-----------|
| □續記上西里西亞問題.....                    | 于世秀 | (87—92)   |
| 娜耶 匈牙利 Xaver Sander Gjalcki 著..... | 仲持  | (93—100)  |
| 途中 日本德田秋聲著.....                    | 韞玉  | (100—110) |

最錄

|                    |  |           |
|--------------------|--|-----------|
| □從發音上研究中國文字之源..... |  | (111—113) |
| □是不是奢侈的裝飾品.....    |  | (113—114) |

法令

|               |  |           |
|---------------|--|-----------|
| □民事訴訟法草案..... |  |           |
| 中國大事記.....    |  | (115—117) |
| 外國大事記.....    |  | (117—120) |

馬利亞的幼時

英國洛衰鐵筆



(參看本期英國近代的繪畫)

雇人

英國海爾克馬筆



(參看本期英國近代的繪畫)



# 德國之非戰運動



自西歐休戰後。倭已三載。歐洲人民。多已厭聞戰爭。而在德國。則非戰運動。尤為劇烈。上為柏林人民。鼓吹消滅戰爭之示威運動。國中一演說家。方向少年工人。演說戰爭之罪惡。其旁羅列旗幟。上書不要再戰等字樣。由此可見軍國主義之德意志。已悉變其舊日之面目矣。



## 評論

民族之衰頹

健 孟

民族亦與個體相似。歷年既久。往往發生衰老現象。如印度埃及等。在古代文化獨先。而入後漸就衰落。猶如人之入衰年期。萎縮而不能進取。中國則亦有此種現象者也。

此等衰老現象。是否爲不可幸免之事實。此吾人所急欲知之者也。身體健全者固不必顧念及死。病者憂念病勢。則係人情之常。吾儕之急於問此問題亦同一心理也。

惟生物學所顯示吾人者。對於種族之衰老問題。尙未有一定之論斷。前者德國懷司曼氏謂個體之軀體有衰老。而胚種形質則無之。代相遞傳之胚種既無衰老。則民族之無衰老可知。第今之美國高爾德

氏則謂不特個體之細胞間因副產物之積滯而能進於衰老。即在胚種細胞亦復有此累積之作用。然則種族亦當如個體之有衰老死亡乎。考之地質之歷史中。見多數物類在地史中途絕滅者。大抵皆笨大遲鈍之物爲多。顧考查所得。僅能知所絕滅者爲何物。作如何狀態而已。至於所以使之滅亡之故。則未能詳細知之。考察民族衰老死亡之事。實與討論世界之有無末日。如有則在何年相似。均極遼遠之問題也。吾儕對於民族衰頹之問題可得而言者。原因似不在生理上之衰老。而大部乃爲社會的原因所致。蓋當文明漸進之時。社會之風俗習慣。一面已脫蠻荒之習。而一面未經過合理之批評與修改。任其積滯其間。亦猶副產物之積滯於細胞間。有阻止活動之力也。近世善種學者謂近代社會制度之不良。卽就婚姻制度一方面而言。實使癩癩低能殘廢之人在原人時代不能得配耦之機會。而在學理上

亦認爲不應任其漫衍者。而近代之社會制度。反予以繁殖之機會。而使此種劣質傳播於後世子孫。復據統計調查。凡性質不良之人民。繁衍之速。遠在常人之上。故經若干代後。優良人口之比例數卽驟然減退。民族於是漸卽於衰頹矣。此外復有多種風俗習慣。均能阻遏民族之前進。蓋風俗在某一時代爲有用者。在他時代未必有用。有之或反足以致害。古代法律政治本在擁護帝皇之權勢。鎮懾人民之活動。唯恐民智之征進。常設法以迫壓之。此種手段亦爲初民之酋長所不知。而文明已高之民族中所不能爲者也。人民如不能越此障阻。卽足爲停滯之原因。故言民族之衰頹爲統系上之衰老。不若言因受社會上之不適用之制度阻遏所致。若誠如此。則衰頹之民族。其尙有再興之希望者。固甚多也。生物之皆求生存。幾已成爲自明之真理。然生物僅求能苟延殘喘而已乎。抑或求生之意志中其外尙

有求進取優勝之目的存在乎。若言僅能苟延殘喘，非人生之意志。則衰頹之民族終當有振興之日。而再見有新創造之時也。民族之不絕前進，必須有不絕之創造。舊日之文明有之亦佳，無之亦未嘗不可。德國無極長之歷史，而在今日之世界上不能不認其爲先進之國。往昔之精神產物若後世不能修進，亦能漸歸無用。陳倉米穀，雖足表明舊家之財產，然滋養之力一失，充飢之價值亦隨之而失。中國古代未嘗無發明，若火藥若指南針皆爲人所習知者也。然若不能更進而求之，使火藥僅能供造爆竹，指南針僅知供堪輿家相地時之用，則亦有負於發明者多矣。

## 休戰三週紀念之感想 羅 羅

西諺有曰：時間足以征服一切。自一九一八年十一月十一日西歐休戰以後，已三載於茲矣。三年之時

間，雖不得謂多。然在此短期間內，默察平和之坦道，人類固未嘗有跬步之行進。佔有之貪慾，劫掠之野心，變本而加厲焉。循是以往，時間縱極頑強，恐歷三百年三千年之後，亦未足戢止人類好戰之本能耳。有疑吾言爲過慮者乎？則曷不觀乎上部西里西里，雖面積僅數百方哩，而若大國若小國，皆力爭之不已。白倫根僅彈丸之地而已，而奧匈且不屑因此以啓戰釁。在此三年中，戰勝各國政府提出之海陸軍擴張案，靡不通過於國會。美國陸軍部近且發明新式毒氣彈，較歐戰時德人之所用，其猛烈倍之。夫經如此慘酷之大戰，猶不改其故轍，則甚矣人類之善忘也。

在三載以前，彼野心的政治外交家，欺其人民曰：汝曹乃爲撲滅軍國主義而戰也。爲保永久的平和而戰也。今戰勝國非特不肯放棄其軍國主義，且某種國家，則因戰勝之威嚴，益熾其侵略之貪慾。第一德

意志雖滅。而第二第三德意志則層出而不窮。二次大戰。已迫於眉睫。彼爲求永久平和而填身溝壑之百萬壯兒。其能瞑目於地下乎。

值此休戰三週紀念之日。而適有華盛頓會議之舉行。不可謂非黑暗中之一線曙光也。蓋國際戰爭與民族仇恨之起源。不外由於舊式外交家之播弄。與國際之誤解。此次華盛頓會議。苟善爲運用。則至少當可減去無數國際之誤解。英相喬治有言。會議室

中一小時之談話。其足消除誤解。實更勝於數十車之公文書牘。苟然。則爲未來戰爭禍根之遠東及太平洋洋問題。或可在華盛頓得列強之相互諒解乎。雖然。吾人鑒於往事。對於舊式外交家之所謂平和會議。幾難以信任。彼巴黎和會也。國際聯盟也。甚而至於維也納之神聖同盟也。亦何嘗不假平和之名以相號召。然其結果。則不特不能得永久平和。反足以促起未來之戰爭。此次華盛頓會議。能否造成國際

之真實諒解。抑仍爲少數強國把持之局勢。誰復能斷定乎。

然則華盛頓會議失敗將奈何。則曰。真正之國際平和。惟有求之於全人類之自覺而已。苟人類在下面。能覺悟種族偏見與國家主義之無謂。實行相互提攜。則政府雖抱侵略之野心。亦將無如何。此則全在負文化之責者之努力。而今後平和之一線希望。亦惟在此而已。

### 房租問題與住宅協社 堅瓠

一年以來。上海房租暴漲。幾超世界之大都會而過之。雖有房客聯合會等。用消極之方法相抵制。然一面仍有出鉅額之挖費。求一棲息之地而不得者。卽如閘北僻遠之地。欲賃一一樓一底之住宅。已非挖費五六十元莫辦。是上海房屋之求過於供。已成不可掩之事實。亦安怪彼貪得無饜之房主與從中取

利之經租帳房之居爲奇貨。至制定標準房租及加徵土地移轉稅等說。雖亦足備社會政策之採取。然財產私有制度一日存在。則競爭律之作用一日不廢。吾人覓屋以居。終不能不出最高之代價。況乎地方之立法權。操於資本家之手。卽此種限制房租之政策。亦未必能通過耶。

於私有財產制度之下。而欲減輕資本勢力之壓迫。其最有效之方法。莫過於合作制度。而住宅協社其一例也。故近世言合作制度者。咸以英國之租戶組合 (Tenants' co-partnership) 爲最有希望之一事。所謂租戶組合者。卽由租戶鳩資結社。公購一羣之住宅。而以該社爲住宅之所有者。分租於各社員是也。及歐戰以後。世界到處有居屋荒之歎。生活之費。倍蓰激增。是以住宅協社之運動亦日益發達。據七月間美國「國民週刊」之紀載。則本年夏季。英國建築工會爲住宅協社代造之房屋。其造價已達美

金五百萬元之鉅。且此等協社所造之住宅。其管理保險等事。均由社中公營。卽建築材料。亦直接向出產地訂購。不經仲買人之手。且有兼營生產協社之事業。而爲原料之出產人者。故建築之費益省。而房租亦益得輕減。瑞士有某村者。其全村之房屋。均村人所公有。四間一所之住宅。每年租金不過一百七十元。可謂廉矣。又丹麥之家屋建築會。因受其地塞門德托辣斯之妨礙。卒自組塞門德合作社。以戰勝之。今則并三合土石膏粉等亦能自造。此雖不過舉極端之例。以壯吾人之勇氣。然亦可知事在人爲。吾人欲抵制房主之虐焰。得廉價之住宅。消極手段之對付。誠亦爲一時之不得已。然其根本解決之法。則固在彼而不在此矣。

住宅協社有其當頭之第一難題焉。則經費之籌集是也。以吾儕從事勞動生活之人。月俸所入。用以支給衣食住之費用。或尙虞其不足。今更欲分其一部

分以經營永久之住宅。此與米貴而勸人食肉糜何異。然苟能得合作銀行爲輔助。則雖少數之同志。低額之資本。正不妨作小規模之試辦。美國勃洛克林市 (Brooklyn) 之住宅協社。即發起於三十二人之勞動家者。其所集股本。不過美金八千元。然彼等則以此款購置一地。抵押於菲希堡 (Fitchburg) 之合作銀行。而即由該銀行之貸款。開始建築。今該社房屋亦已造成。凡五開間之上等住宅。市上須月租七十五元至八十元者。該社則不過二十五元至二十七元。所差幾三倍焉。此項月租中。又提出百分之二十五。以攤還銀行之借款。故數年之後。房屋即完全爲該社所有。而所課於社員者可更輕。蓋不過房租及修理保險等雜費而已。上海合作銀行之發起。已有二家。此種借款。必爲其所樂於承攬。而以交通

之日益便利。商場之日益擴大。市外住居。亦爲最近之將來所必至之趨勢。及今而購離市較遠之地。地價猶不至甚昂。而將來則可以免資本家之壟斷。享廉價住宅之幸福。亦何憚而不爲者。

不寧惟是。都市生活之醞釀罪惡。墮喪道德。大都無正當之社交與娛樂機關。有以致之。而其所以無正當之社交與娛樂機關。則又由僦屋以居者大都皆來自四方。渺不相識。無從團體生活之故。今若有住宅協社之組織。則同社之人。皆有相互之關係。設更能爲定期集會。學術講演等事。以輔益之。則社員之道德與公民智識。亦必因此而提高。美國福來德 (Fallet) 女士嘗謂實行新政治之方法。首重鄰里組織。國人亦有因營自由生活而欲建設新村者。是則住宅協社之利益。又不能以經濟方面限之矣。



# 信託公司概論

(續)

楊端六

## 五 信託公司之組織

信託公司之組織。與他種公司無甚差異。今將就數種問題敘述。

一、公司成立之次序 美國信託公司之設立。有三種必要經過之手續。一、須得特別許可狀方能開業者。二、須準照信託公司法者。三、可援用一般公司法者。(二七) 各州辦法不同。不能一律。然大概已由特別許可變為一般公司法律。(二八)

二、資本 信託公司資本之多寡。亦因各州法律之

不同。分為三種。一、不問其所在地方之大小。一律規定最小額資本者。即如密西西比為二萬五千達拉(美金)。華盛頓國都所在地為一百萬達拉是也。二、有隨其所在地方之大小而規定最小額資本者。如紐約州各地方。人口在二萬五千以下者。最小資本為十萬達拉。人口在二十五萬以上者。為五十萬達拉是也。三、有規定最大額資本者。如堪賽斯。為一百萬達拉。賓夕爾法尼亞為二百萬達拉。密蘇爾釐為一千萬達拉是也。最小限度之用意。殆為防止信託公司之濫開。而最大限度之用意。殆為防止強有力

者之專擅歟。

三、董事經理及其他人員 信託公司如其名稱所示。首在信用之厚。自董事長總經理之下。均須具有兩種資格。一、誠實。二、精明。富厚雖亦爲一種資格。然欲事業之成功。則與其取人之富於財。毋寧取人之厚於材行。信託公司行政上之組織。大概亦如他種公司。分爲立法與行政二部。董事局卽立法部也。經理卽行政部也。董事由股東中選出。組織董事會議。以主持大政方針。經理以下人員大都自外間聘請。選惟其材。不問其是否股東也。股東中有堪其選者。自無不可。惟近世商業組織之下。股東之有經理資格者。或因老而退隱。或因事務過繁。不能兼顧。或因資格不合。不勝其任。而新近畢業之學生。或稍有事業經驗之人員。雖年少氣銳。勇於有爲。又每每窮於資財。不能入股。故經理等席。常留爲彼等發揮材能之餘地。然猶恐事業之主持不得其人。則將被

選爲董事之資格限制極寬。使少有股票之人即可當選。(二九) 凡此皆重視信託公司之職務。而思多方利用人才故也。

四、業務上之分配 信託公司之業務。既如上節所述。非常複雜。則其分配管理亦不得不有比較的明瞭之計畫。凡公司職務之分配。須以其各個公司之實在狀況爲衡。萬不能千篇一律。而信託公司尤然。說者謂此種分配之不同。其數有如公司。(三〇) 蓋極言其爲狀至雜也。此種不同之原因。亦殊多矣。有因地方情形而異者。有因公司規模大小而異者。有因法律限制而異者。總而言之。教科書上之組織。不能使實務家依樣畫葫蘆耳。然而教科書上之葫蘆。有時亦可以爲樣本。今本此旨。略述鄙見如下。

公司業務之分配。可分爲兩種辦法。(一) 各別的業務。(二) 共通的業務。各別的業務。可仿前節所述者。分爲五部。一、商業銀行部。二、儲蓄銀行部。三、保險部。

四、物品保管部。五、信託部。此種分類。係因公司業務發展至於比較的完全之狀況爲之。如有未經舉辦之業務。自然可以省畧。如有事務較繁之部分亦不妨再行區分。譬如銀行部可再分爲外國匯兌部與銀行部。信託部可再分爲個人信託部與法人信託部。共通的業務可分爲七種。一、會計部。二、法律部。三、調查部。四、廣告部。五、統計部。六、稽核部。七、交際部。以上各部事務均有貫穿前述五部之必要。譬如織布五部爲經。七部爲緯。互相連結。而公司之組織乃成。總經理立於其上。總攬一切。以收指臂之效。至於各部詳細辦法。亦當以各公司現情爲準。非本篇所能贅。

(一七) Herrick, p. 55.

(一八) Kirkbride, etc., p. 20.

(一九) Kirkbride, etc., p. 32.

(二〇) Herrick, p. 89.

## 六 信託公司與其他金融業之比較

如上所述。信託公司不過一金融百貨店。其所營業務。僅抽取其他金融業中之各一部分或其全體而組合之。惟信託業務爲信託公司之特色。而亦非信託公司所專有者。如此。則人將曰。信託公司與他種金融機關果有何種區別乎。他種金融機關成立在前。信託公司成立在後。既有他種金融機關。又何須此贅疣乎。對於第一問。吾人可就事實上說明之。對於第二問。僅爲理論上之爭論。非事實上之爭論也。今請先研究理論上之問題。再述事實上之比較。信託公司之成立。確有其獨特之理由。譬如百貨店之組織。爲最近經濟界之一種現象。經濟學之元老馬夏律且另闢一章討論之矣。(三一)販賣業可以有百貨店。金融業何以不可有百貨店。如以其發生較遲。不應奪已成機關之業務。則惟其發生較遲之